



# RREGULLORE MËSIMORE E PROGRAMIN TË STUDIMIT

**BACHELOR**

**NË**

**INXHINIERI ELEKTRONIKE**



## I. Të përgjithshme

Rregullorja mësimore e programit të Studimit Bachelor në Inxhinieri Elektornike, mbështetet në Ligjin Nr. 80/2015 datë 22.07.2015 “ Për arsimin e lartë dhe kërkimin shkencor në institucionet e arsimit të lartë në Republikën e Shqipërisë, në akte të tjera nënligjore për arsimin e lartë, në Statutin e UPT, Rregulloren e Zhvillimit Kurrikular dhe Mësimdhënies në UPT, Rregulloren e Fakultetit të Teknologjisë së Informacionit dhe Rregulloren e Departamentit të Elektronikës dhe Telekomunikacionit.

### Neni 1

Programi i studimit Bachelor në Inxhinieri Elektronike është pjesë e programeve të studimit të ofruara nga Fakulteti i Teknologjisë së Informacionit i cili është krijuar në dhjetor 2007 bazuar në VKM Nr. 824, datë 05.12.2007 për “Krijimin e disa njësive kryesore, fakultete, në Universitetin Politeknik të Tiranës”.

### Neni 2

Programi i studimit Bachelor në Inxhinieri Elektronike ka për qëllim dhënien e njohurive të reja, për t’i pajisur studentët me njohuritë e nevojshme specifike për plotësimin e nevojave të tregut të punës, lidhur me fushat e Inxhinierisë Telekomunikacioni dhe të fushave të ngjajshme.

### Neni 3

Programi i studimit Bachelor në Inxhinieri Elektronike është një program studimi i ciklit të parë të studimit, referuar nivelit 6 të Kornizës Shqiptare të Kualifikimeve, i cili mbulohet nga Departamenti të Elektronikës dhe Telekomunikacionit.

### Neni 4

Programi i studimit Bachelor në Inxhinieri Elektronike zhvillohet në ambientet e Fakultetit të Teknologjisë së Informacionit të Universitetit Politeknik të Tiranës.

## II. Organizimi

### Neni 5

Programi i studimit Bachelor në Inxhinieri Elektronike realizohet në përputhje të plotë me Statutin dhe Rregulloren e Zhvillimit Kurrikular dhe Mesimdhënies ne UPT, 2019, Rregulloren e brendëshme të Fakultetit të Teknologjisë së Informacionit dhe drejtohet nga Departamenti i Elektronikës dhe Telekomunikacionit si njësi bazë e këtij fakulteti.

### Neni 6



Detyrat e Departamentit të Elektronikës dhe Telekomunikacionit janë:

- Paraqitja e programit të studimit për miratim në Dekanatin e FTI-së dhe Senatit e UPT
- Përgatitja e planit mësimor
- Rishikimi i programeve mësimore
- Hartimi i strukturës mësimore
- Menaxhimi i të gjithë aktiviteteve mbështetëse për mbarëvajtjen e programit të studimit

#### **Neni 7**

Programi i studimit Bachelor në Inxhinieri Elektronike organizohet pranë Fakultetit të Teknologjisë së Informacionit, në korpusin universitar UPT, Sheshi "Nënë Tereza", si dhe pranë laboratorëve të Departamentit të Elektronikës dhe Telekomunikacionit.

#### **Neni 8**

Programi i studimit Bachelor në Inxhinieri Elektronike kryen të gjitha regjistrimet e veta nëpërmjet Sekretarisë Mësimore të Fakultetit të Teknologjisë së Informacionit.

### **III. Pranimi i kandidatëve**

#### **Neni 9**

Në programin e studimit Bachelor në Inxhinieri Elektronike regjistrohen persona sipas listave fituese të renditura nga komisioni Ad-Hoc dhe të miratuara nga Dekani i Fakultetit të Teknologjisë së Informacionit.

#### **Neni 10**

Tarifa e regjistrimit të kandidatëve është sipas kuadrit ligjor në fuqi dhe sipas rregulloreve të miratuara nga FTI dhe UPT. Kandidatët regjistrohen sipas procedurave të miratuara nga FTI.

#### **Neni 11**

Regjistrimet në Programin e studimit Bachelor në Inxhinieri Elektronike bëhen në zbatim dhe në përputhje me ligjet e Republikës së Shqipërisë dhe vendimet e udhëzimet e ministrisë përkatëse. Ato kryehen pranë sekretarisë mësimore të Fakultetit të Teknologjisë së Informacionit.

#### **Neni 12**

Në programin e studimit Bachelor në Inxhinieri Elektronike kanë të drejtë të transferohen shtetas shqiptare ose të huaj sipas kuadrit ligjor në fuqi dhe sipas rregullave të përcaktuara në statutin e UPT, rregulloren mësimore të UPT dhe rregulloren e brendshme të FTI.



### Neni 13

Njohja e krediteve bazohet në Rregullore e zhvillimit kurrikular dhe mësimdhënies në Universitetit Politeknik të Tiranës UPT .

## IV. Zhvillimi i aktiviteteve

### Neni 14

Programi i studimit Bachelor në Inxhinieri Elektronike zhvillohet me kohë të plotë. Ai zgjat tre vite akademike. Kohëzgjatja maksimale e studimeve nuk mund të jetë më shumë se dyfishi i ohëzgjatjes normale të studimeve që parashikon programi, pa marrë në konsideratë periudhën e kohës kur studenti i ka pezulluar studimet. Vitet akademike janë të ndarë në dy semestra dhe zhvillohen lëndët sipas planit mësimor përkatës. Në semestrin e dytë të vitit të tretë zhvillohet gjithashtu dhe praktika profesionale dhe mbrojtja e diplomës. Diploma është një punim i pavarur i studentit të programit të studimit Bachelor në Inxhinieri Elektronike.

### Neni 15

Gjuha në të cilën zhvillohet programi i studimit *Bachelor në Inxhinieri Elektronike* është gjuha shqipe.

### Neni 16

Leksionet do të zhvillohen në përputhje me orarin mësimor të aprovuar nga Dekanati i FTI.

### Neni 17

Kontrolli i dijeve në çdo modul bëhet nëpërmjet vlerësimit të detyrave të kursit, pjesmarrjes në laborator dhe provës përfundimtare, provimit.

### Neni 18

Masa e frekuentimit të leksioneve, seminareve dhe laboratorëve përcaktohet në rregulloren e UPT-së, si dhe në rregulloren e brendshme të FTI-së.

### Neni 19

Rezultatet e frekuentimit, provave përfundimtare të moduleve dhe të mbrojtjes së diplomës regjistrohen në Sekretarinë Mësimore të Fakultetit të Teknologjisë së Informacionit.

### Neni 20

Në përfundim të programit të studimit, studenti pajset me diplomë "*Bachelor në Inxhinieri Elektronike*" të firmosur nga Dekani i Fakultetit të Teknologjisë së Informacionit dhe nga Rektori i UPT-së.



Miratur me vendim DET, Nr. 4, Datë. 14.02.2020.

**Përgjegjësi i Departamentit**

**Prof. Asoc. Olimpjon Shurdi**